

*Sarajevo, 08.10.2015. godine
Broj: 719/15*

**ZAPISNIK I ZAKLJUČCI SA DEVETE SJEDNICE
PREDSJEDNIŠTVA SKUPŠTINE SAVEZA OPĆINA I GRADOVA
FEDERACIJE BOSNE I HERCEGOVINE**

U Općini Centar Sarajevo je dana 06.10.2015. godine održana Deveta sjednica Predsjedništva Skupštine Saveza općina i gradova Federacije Bosne i Hercegovine (u daljnjem tekstu: Predsjedništvo Saveza).

Sjednici Predsjedništva Saveza su prisustvovali:

1. Ivo Jerkić, načelnik Općine Čitluk i predsjednik Predsjedništva Saveza;
2. Edin Smajić, načelnik Općine Vogošća;
3. Emir Bubalo, načelnik Općine Konjic;
4. Mario Jurkić, načelnik Općine Domaljevac-Šamac;
5. Asim Mekić, načelnik Općine Busovača;
6. Amra Babić, načelnica Općine Visoko;
7. Nedžad Koldžo, načelnik Općine Novo Sarajevo;
8. Muhamed Ramović, načelnik Općine Goražde;
9. Agan Bunić, načelnik Općine Bužim.

Pored gore navedenih, sjednici su prisustvovali i: Dragana Solaković, pomoćnica gradonačelnika Grada Sarajeva za lokalnu samoupravu, Mila Eminović, savjetnica gradonačelnika Grada Sarajeva za pravna pitanja, Vildana Smajović, sekretar Organa uprave Općine Novo Sarajevo i predsjednica Komisije za ustavna i zakonodavna pitanja, Miroslav Lucić, pomoćnik načelnika Općine Domaljevac-Šamac i predsjednik Komisije za razvoj i unapređenje lokalne samouprave, Vesna Travljanin, direktor Saveza, Zlata Turkić, viši saradnik za rad sa skupštinskim komisijama i institucijama vlasti, Šejla Hasić, viši saradnik za projekte-projekt menadžer i Selma Fišek, viši saradnik za pravna pitanja.

Mustafa Resić, savjetnik načelnika Općine Centar, pozdravio je prisutne u ime načelnika Općine Centar Dževada Bećirevića.

Ivo Jerkić je otvorio Devetu sjednicu Predsjedništva Saveza i predložio Dnevni red kako slijedi:

1. Zapisnik i Zaključci sa Osme sjednice Predsjedništva Skupštine Saveza općina i gradova Federacije BiH

2. Utvrđivanje prijedloga strateških dokumenata Saveza (Zapisnici sa sjednica komisija Saveza u prilogu):
 - a) Strategija razvoja Saveza općina i gradova Federacije BiH za period 2015.-2022. godina
 - b) Akcioni plan Saveza općina i gradova Federacije BiH za 2015.-2016. godinu i indikativni plan za 2017. godinu
Izjesticoci: predsjednici komisija
3. Zakonodavne aktivnosti Saveza:
 - a) Zakon o šumama (Imenovanje predstavnika Saveza u Radnu grupu za izradu Zakona o šumama)
Izjesticoci: Zlata Turkić, viši saradnik za rad sa skupštinskim komisijama i institucijama vlasti
 - b) Imenovanje predstavnika Saveza u Radnu grupu za izradu Zakona o koncesijama
Izjesticoci: Zlata Turkić, viši saradnik za rad sa skupštinskim komisijama i institucijama vlasti
 - c) Zapisnik sa sjednice Komisije za ustavna i zakonodavna pitanja u vezi sa tačkama 5.,6.,7. i 8
Izjesticoci: predsjednik komisije
 - d) Zapisnik sa sjednice Komisije za ekonomski razvoj općina i gradova i finansije u vezi sa tačkama 5. i 6.
Izjesticoci: predsjednik komisije
4. Tekuća pitanja
 - a) Informacija o zahtjevu za zaštitu prava na lokalnu samoupravu Grada Zenica pred Ustavnim sudom Federacije BiH u vezi Kolektivnog ugovora za službenike organa uprave i sudske vlasti u Federaciji BiH („Službene novine Federacije BiH“, 23/00, 50/00 i 97/13)
Izjesticoci: Selma Fišek, viši saradnik za pravna pitanja
 - b) Odgovor Direkcije za evropske integracije na zahtjev Saveza za uključivanje u proces pregovaranja za pristupanje Bosne i Hercegovine Evropskoj uniji
Izjesticoci: Vesna Travljanin, direktor Saveza
 - c) Odgovor Federalnog ministarstva poljoprivrede, vodoprivrede i šumarstva na zahtjev Saveza za oslobađanje finansijskih sredstava za realizaciju „WATSAN“ projekata
Izjesticoci: Vesna Travljanin, direktor Saveza
 - d) Imenovanje Amre Babić u Komisiju za Program javnih investicija Zeničko-dobojskog kantona
Izjesticoci: Vesna Travljanin, direktor Saveza

- e) Imenovanje člana Predsjedništva Skupštine Saveza općina i gradova Federacije BiH u Komisiju za Program javnih investicija Unsko-sanskog kantona
Izvjestilac: Vesna Travljanin, direktor Saveza
- f) Tužba Saveza općina i gradova Federacije BiH protiv Vlade Federacije BiH u vezi sa otplatom kreditnih sredstava prema Međunarodnom monetarnom fondu
Izvjestilac: Ismet Velić, advokat

Ivo Jerkić je predložio je da se u Dnevni red uvrsti tačka 2 c) - „Utvrdjivanje termina za nastavak Osme sjednice Skupštine Saveza općina i gradova Federacije BiH“.

Dragana Solaković je predložila dopunu dnevnog reda sa tačkom 2. - „Pitanje finansiranja Grada Sarajeva“.

Ivo Jerkić je istakao da nije siguran da bi to bilo u skladu sa Statutom Saveza s obzirom na obavezu ranijeg dostavljanja materijala za sjednicu.

Dragana Solaković je istakla da se ovdje radi o informaciji.

Nedžad Koldžo je naveo da smatra da nije u skladu sa Poslovníkom o radu Predsjedništva da se na ovakav način uvrštava nova tačka u Dnevni red sjednice i da je materijal potrebno pripremiti u pismenoj formi.

Dragana Solaković je naglasila da će se Grad Sarajevo pripremiti kada dobije bar načelnu podršku Saveza. Istakla je da Grad Sarajevo nije član Predsjedništva Saveza, jer je na Izornoj Skupštini Saveza održanoj u Fojnici 07.02.2013. godine isključen iz istog, i da njihove interese u Savezu zastupa Općina Novo Sarajevo. Ukazala je i na problem smanjenja iznosa komunalnih taksi od strane općina.

Ivo Jerkić je naglasio da ne bi bilo u redu da sada idemo sa novom tačkom Dnevnog reda i složio se sa Nedžadom Koldžom u smislu da se za narednu sjednicu Predsjedništva Saveza dostavi informacija u pismenom obliku.

Nedžad Koldžo je naveo da želi ispraviti dva kriva navoda, te je istakao da je Grad Sarajevo sam sebe isključio iz rada Saveza i naglasio je da Općina Novo Sarajevo nije smanjila iznos komunalnih taksi nego je izdvojila procenat koji je

bila u mogućnosti, a što je u skladu sa zakonom.

Mila Eminović je istakla da bi bilo dobro da Savez da vjetar u leđa Gradu Sarajevu u kontekstu izmjena Zakona o raspodjeli javnih prihoda u Federaciji Bosne i Hercegovine, jer Grad Sarajevo trenutno ne dobija sredstva od raspodjele javnih prihoda po osnovu ovog zakona, te je naglasila da se raduju novoj saradnji sa Savezom.

Asim Mekić se složio sa opredjeljenjem da se predmetno pitanje ostavi za narednu sjednicu Predsjedništva Saveza i naglasio je da bi se na toj sjednici trebao pojaviti sam gradonačelnik uz dužno poštovanje prema njegovim saradnicima.

Dragana Solaković je istakla da je gradonačelnik Ivo Komšić na službenom putu.

Vildana Smajović je sugerisala da je po ovom pitanju potrebno dostaviti ne samo informaciju, nego inicijativu sa prijedlogom zaključaka koju će razmotriti nadležna komisija Saveza i sa svojim mišljenjem uputiti Predsjedništvu Saveza na odlučivanje.

Predsjedništvo Saveza je jednoglasno usvojilo predloženi Dnevni red uz dopunu tačke 2c) - „Utvrđivanje termina za nastavak Osme sjednice Skupštine Saveza“.

1. Zapisnik i zaključci sa Osme sjednice Predsjedništva Skupštine Saveza općina i gradova Federacije BiH

Ivo Jerkić je otvorio raspravu, te je dao na glasanje Zapisnik i zaključke sa Osme sjednice Predsjedništva Skupštine Saveza općina i gradova Federacije BiH

Predsjedništvo Saveza je jednoglasno usvojilo Zapisnik i zaključke sa Osme sjednice Predsjedništva Skupštine Saveza općina i gradova Federacije BiH.

2. Utvrđivanje prijedloga strateških dokumenata Saveza:

- a) Strategija razvoja Saveza općina i gradova Federacije BiH za period 2015.-2022. godina
- b) Akcioni plan Saveza općina i gradova Federacije BiH za 2015.-2016. godinu i indikativni plan za 2017. godinu

Ivo Jerkić je napomenuo da je na prethodnoj sjednici Predsjedništva Saveza bilo prilike raspravljati o strateškim dokumentima Saveza, te je dao riječ Vildani Smajović, predsjednici Komisije za ustavna i zakonodavna pitanja.

Vildana Smajović je istakla da su se komisije Saveza pozitivno očitovale o Prijedlogu strategije razvoja Saveza s tim da je Stručna služba Saveza dala obrazloženja za pojedine stavke. Naglasila je da je velika većina primjedbi otklonjena na odgovarajući način i da komisije predlažu Predsjedništvu Saveza da usvoji ove strateške dokumente.

Nedžad Koldžo je postavio pitanje da li su uvažene sve primjedbe koje su istaknute u javnoj raspravi.

Vildana Smajović je obrazložila da su postojale dvije vrste primjedbi i to primjedbe iz svih jedinica lokalne samouprave i primjedbe iz gradskih općina, te da je velika većina svih usvojena. Naglasila je da je u Prijedlog strategije razvoja uvršten cilj koji se odnosi na formiranje Ministarstva za lokalnu samoupravu u Vladi Federacije Bosne i Hercegovine, ali i da njegovo osnivanje ne zavisi od samog Saveza.

Emir Bubalo je istakao da nije stigao pročitati revidiranu verziju Strategije razvoja Saveza, te dodao da je nemoguće provesti neke presude Ustavnog suda Federacije BiH, te da to mora biti dio Strategije.

Miroslav Lucić je naveo da je cilj iznaći put za djelovanje prema višim nivoima vlasti i da u Strategiji razvoja ne mogu biti navedeni pojedinačni problemi općina, ali da je u Strategiji predviđena zaštita interesa jedinica lokalne samouprave.

Emir Bubalo je istakao da nam je trebalo osam godina da se odlučimo da tužimo za sredstva koja nam se uzimaju.

Vildana Smajović je istakla da se zna ko je po zakonu odgovoran za neizvršavanje presuda Ustavnog suda Federacije BiH.

Nedžad Koldžo je naglasio da je činjenica da nemamo systemske zaštite jer ne postoji Ministarstvo za lokalnu samoupravu gdje bi nas morali uvažavati i tražiti našu saglasnost za donošenje zakonskih propisa. Konstatovao je da u Savezu možemo zajednički formirati stavove i podnositi tužbe u vezi sa zakonima koji ne uvažavaju interese jedinica lokalne samouprave.

Ivo Jerkić je istakao da trebamo tražiti da se osnuje Ministarstvo za lokalnu samoupravu, ali da se ni tada neće svi problemi riješiti.

Vesna Travljanin je naglasila da razumije da načelnici žele pomoći svojim lokalnim zajednicama, te da su u Strategiji razvoja Saveza prepoznati interesi jedinica lokalne samouprave u kontekstu presuda Ustavnog suda Federacije BiH koje se tiču istih.

Nakon rasprave, Ivo Jerkić je dao na glasanje Prijedlog strategije razvoja Saveza općina i gradova Federacije Bosne i Hercegovine za period 2015.-2022. godina

Predsjedništvo Saveza je usvojilo Prijedlog strategije razvoja Saveza općina i gradova Federacije Bosne i Hercegovine za period 2015.-2022. godina sa osam glasova „za“ i jednim glasom „suzdržan“.

Vildana Smajović je istakla da je u svom uvodnom izlaganju obuhvatila i Prijedlog akcionog plana Saveza.

Predsjedništvo Saveza je usvojilo Prijedlog akcionog plana Saveza općina i gradova Federacije BiH za 2015.-2016. godinu i indikativni plan za 2017. godinu sa osam glasova „za“ i jednim glasom „suzdržan“.

2.c) Utvrđivanje termina nastavka Osme sjednice Predsjedništva Skupštine Saveza općina i gradova Federacije BiH

Vesna Travljanin je izvijestila Predsjedništvo da je prijedlog da se nastavak Osme sjednice Skupštine Saveza održi u roku od petnaest dana od dana održavanja sjednice Predsjedništva što znači 20. ili 21. oktobra, te da će se lokacija za održavanje sjednice precizirati u dogovoru sa predsjedavajućim Skupštine Saveza.

Nedžad Koldžo je istakao da postoji problem parkiranja u Općini Centar, te je za lokaciju sjednice predložio Centar za mlade u općini Novo Sarajevo ili općinu Ilidža. Predložio je da se za sjednicu Skupštine Saveza pripremi rezolucija sa naglaskom na presude Ustavnog suda Federacije BiH koje nisu provedene, kao i zakone kojima je povrijeđeno pravo jedinica lokalne samouprave i pri usvajanju kojih iste nisu konsultovane, te da takva rezolucija bude usvojena od strane Skupštine Saveza i upućena na sve relevantne institucije i organe.

Predsjedništvo Saveza je jednoglasno usvojilo zaključak da se nastavak Osme sjednice Skupštine Saveza općina i gradova Federacije BiH održi 21.10.2015. godine u Sarajevu, te da komisije Saveza utvrde tekst rezolucije za sjednicu Skupštine.

3. Zakonodavne aktivnosti Saveza:

a) Zakon o šumama (Imenovanje predstavnika Saveza u Radnu grupu za izradu Zakona o šumama)

Ivo Jerkić je istakao da samo Hercegovačko-neretvanski kanton još nema usvojen Zakon o šumama. Dodao je da se zainteresovao za ovaj zakon zbog izdvajanja naknade za šume od strane Općine Čitluk.

Zlata Turkić je informisala Predsjedništvo Saveza da je Vlada Federacije Bosne i Hercegovine svojim zaključkom formirala radnu grupu koja treba pružiti stručnu pomoć u izradi novog Zakona o šumama, a gdje je uključen i Savez općina i gradova Federacije BiH. Istakla je da je Savez reagovao pismeno i usmeno iz razloga što Federalno ministarstvo poljoprivrede, vodoprivrede i šumarstva nije postupilo po zaključku Vlade. Naglasila je da je 02.09.2015. godine u Federalnom ministarstvu poljoprivrede, vodoprivrede i šumarstva održan sastanak sa predstavnicima Saveza i da je Džemal Memagić, načelnik Općine Olovo, imenovan za predstavnika Saveza u Radnu grupu za izradu Zakona o šumama.

Emir Bubalo je istakao da se ponovo radi na formiranju kantonalnih šumskih preduzeća i napomenuo da se ide u izradu novog zakona, a da je na Domu naroda Parlamenta Federacije BiH stao Zakon o šumama koji je ranije bio u parlamentarnoj proceduri.

Asim Mekić je naglasio da zaštitu šuma treba da osiguravaju oni koji njima upravljaju.

Ivo Jerkić je predložio da se na narednu sjednicu Predsjedništva Saveza pozove Džemal Memagić i da, kao član Radne grupe za izradu zakona, izvijesti Predsjedništvo o ovom pitanju.

Asim Mekić je naglasio da Savez mora učestvovati u ovim aktivnostima jer nas pozivaju da radimo sa njima.

Nedžad Koldžo je naveo da Općina Novo Sarajevo uopšte ne posjeduje šumske resurse, ali da je bio uključen u neke aktivnosti i istakao je da je suština da su naši prijedlozi pretočeni u zaštitu interesa jedinica lokalne samouprave kroz ovaj zakon. Naglasio je da je Zakon o šumama čiji su predlagači bili tadašnji poslanici u Predstavničkom domu Parlamenta Federacije BiH, Enver Mujala i Slaviša Šućur, sadržavao minimum naših zahtjeva.

Asim Mekić je istakao da se trebamo izjasniti da smo za raniji zakon, ako tako mislimo.

Nedžad Koldžo je naglasio da bi proceduralni mehanizmi morali biti uključeni u ovaj zakon.

Asim Mekić je konstatovao da samo ovlaštene predlagači mogu povući zakon, da Savez to ne može uraditi, te da samo možemo reći koji su naši stavovi u ovom trenutku.

Predsjedništvo Saveza je jednoglasno usvojilo zaključak da se na narednu sjednicu Predsjedništva Saveza pozove Džemal Memagić, načelnik Općine Olovo i član Radne grupe za izradu Zakona o šumama, ispred Saveza općina i gradova Federacije BiH, predsjednik Komisije za lokalnu samoupravu Predstavničkog doma Parlamenta Federacije BiH, predstavnik Radne grupe za izradu Zakona o šumama i predstavnik Federalnog ministarstva poljoprivrede, vodoprivrede i šumarstva.

Predsjedništvo Saveza je također upoznato sa stavovima Saveza na Prednacrt zakona o šumama, te je sugerisano članu Radne grupe ispred Saveza, da insistira na ugradnji mehanizama i principa u tekst Nacrta zakona koji su bili predviđeni ranijim zakonom, čiji su predlagači bili poslanici Enver Mujala i Slaviša Šućur, a tiču se principa raspolaganja, upravljanja i zaštite šuma.

- b) Imenovanje predstavnika Saveza u Radnu grupu za izradu Zakona o koncesijama

Zlata Turkić je informisala Predsjedništvo da je Nermin Mandra, načelnik Općine Kakanj, imenovan u Radnu grupu za izradu Zakona o koncesijama.

Asim Mekić je sugerisao da se u Dnevni red sjednice Predsjedništva, u ovim slučajevima, stavi naziv tačke - davanje saglasnosti na imenovanja predstavnika Saveza u određena tijela.

Emir Bubalo naglašava da već postoji Zakon o koncesijama u parlamentarnoj proceduri.

Predsjedništvo Saveza je sa osam glasova „za“ i jednim glasom „protiv“ dalo saglasnost na imenovanje Nermina Mandre, načelnika Općine Kakanj u Radnu grupu za izradu Zakona o koncesijama.

- c) Zapisnik sa sjednice Komisije za ustavna i zakonodavna pitanja u vezi sa tačkama 5.,6.,7. i 8

Vildana Smajović je ukratko izvijestila o zaključcima sa sjednice Komisije za ustavna i zakonodavna pitanja.

Predsjedništvo Saveza je jednoglasno usvojilo Zabilješku sa sjednice Komisije za ustavna i zakonodavna pitanja sa zaključcima kako slijedi:

- **Stateški dokumenti predstavljaju kvalitetnu osnovu za daljnji razvoj i aktivnost Saveza;**
- **Stateški dokumenti predstavljaju kvalitetnu osnovu da Predsjedništvo Saveza istu razmatra i usvoji;**
- **Zakon o matičnim knjigama nije usamljen slučaj zbog činjenice da postoji još kategorija uposlenika koje bi se mogli tretirati na isti način kao matičari u članu 72a ovog zakona (građevinski inspektori, geodeti i dr.);**
- **Daje se preporuka da se, prilikom donošenja novog seta zakona sve kategorije uposlenika sa istim radnim zadacima vrednuju jednako u svim jedinicama lokalne samouprave kao i da se Zakonom omogući načelniku da stimuliše rad pojedinca za slučaj kada on postiže posebne rezultate u radu, kao i destimulaciju u slučaju neizvršavanja radnih obaveza i zadataka;**
- **Daje se preporuka da se, pri donošenju seta izmjena i dopuna ili izrade novih zakona vodi računa o novim zakonskim rješenjima u Zakonu o radu;**
- **Uputiti inicijativu Federalnom Ministarstvu okoliša i turizma za hitno donošenje Zakona o turističkim zajednicama i promicanju turizma u Federaciji BiH;**
- **Komisija predlaže Predsjedništvu da se ispita koncept obuke vijećnika koje treba da odgovaraju stvarnim potrebama jedinica lokalne samouprave, kao i da se odredi vremenski okvir u kome se obuka vrši (početak mandata).**

d) Zapisnik sa sjednice Komisije za ekonomski razvoj općina i gradova i finansije u vezi sa tačkama 5. i 6.

Zlata Turkić je ukratko izvijestila o zaključcima sa sjednice Komisije za ekonomski razvoj općina i gradova i finansije.

Predsjedništvo Saveza je jednoglasno usvojilo Zabilješku sa sjednice Komisije za ekonomski razvoj općina i gradova i finansije sa zaključcima kako slijedi:

- **Da se još jednom svim jedinicama lokalne samouprave (izuzev općina Kakanj i Vitez) uputi inicijativa za davanje mišljenja o izmjeni i dopuni Zakona o pripadnosti javnih prihoda u Federaciji Bosne i Hercegovine;**
- **Prihvataju se strateški dokumenti Saveza uz sugestiju da se u Indikativnom planu, indikatori urede u formi indikatora;**
- **Uputiti Inicijativu Ministarstva finansija Zeničko-dobojskog kantona kojom se traži mišljenje Saveza za izmjene Zakona o porezu na promet nekretnina, svim jedinicama lokalne samouprave Zeničko-dobojskog kantona da se izjasne;**
- **Uputiti Inicijativu Udruženja/Udruge za leasing BiH svim jedinicama lokalne**

- samouprave Zeničko-dobojskog kantona da se izjasne;**
- **Nakon izjašnjavanja očitovati se Ministarstvu finansija Zeničko-dobojskog kantona o Inicijativi;**
 - **Na Inicijativu Udruženja/Udruge društava za leasing BiH za izmjene Zakona o porezu na promet nekretnina, davati mišljenje pojedinačno na zahtjev kantona/županija kao što je to učinio Zeničko-dobojski kanton.**

4. Tekuća pitanja

- a) Informacija o zahtjevu za zaštitu prava na lokalnu samoupravu Grada Zenica pred Ustavnim sudom Federacije BiH u vezi Kolektivnog ugovora za službenike organa uprave i sudske vlasti u Federaciji BiH („Službene novine Federacije BiH“, 23/00, 50/00 i 97/13)

Selma Fišek je informisala Predsjedništvo da je Ustavni sud Federacije BiH od Saveza tražio podatke o tome da li je i na koji način Savez bio konsultovan prilikom donošenja Kolektivnog ugovora za službenike organa uprave i sudske vlasti u Federaciji BiH, te da je Savez odgovorio Ustavnom sudu Federacije Bosne i Hercegovine, da nije bio konsultovan prilikom donošenja navedenog akta.

Predsjedništvo Saveza je primilo k znanju ovu informaciju.

- b) Odgovor Direkcije za evropske integracije na zahtjev Saveza za uključivanje u proces pregovaranja za pristupanje Bosne i Hercegovine Evropskoj uniji

Selma Fišek je upoznala Predsjedništvo sa odgovorom Direkcije za evropske integracije na zahtjev Saveza da bude uključen u procese pregovaranja za pristupanje Evropskoj uniji, u kojem je navedeno da Direkcija za evropske integracije pozdravlja zainteresovanost i posvećenost Saveza za procese integrisanja Bosne i Hercegovine u Evropsku uniju. Također je istaknuto da će Bosna i Hercegovina sticanjem statusa kandidata za članstvo, otvoriti proces pregovaranja za pristupanje Evropskoj uniji. Savezu je predloženo da se sa svojim zahtjevom obrati Timu za izradu dokumenta koordinacijskog mehanizma u Bosni i Hercegovini, odnosno Uredu predsjedavajućeg Vijeća ministara Bosne i Hercegovine koji rukovodi ovim Timom, kako bi se u izradi koordinacijskog mehanizma predvidjela i adekvatna uloga Saveza, a što je Savez i učinio.

Predsjedništvo Saveza je primilo k znanju ovu informaciju.

- c) Odgovor Federalnog ministarstva poljoprivrede, vodoprivrede i šumarstva na zahtjev Saveza za oslobađanje finansijskih sredstava za realizaciju „WATSAN“ projekata

Selma Fišek je informisala Predsjedništvo da je Federalno ministarstvo poljoprivrede, vodoprivrede i šumarstva u svom odgovoru istaklo da je ovaj problem riješen, te da ubuduće ne bi trebalo dolaziti do zastoja sredstava.

Predsjedništvo Saveza je primilo k znanju ovu informaciju.

- e) Imenovanje Amre Babić u Komisiju za Program javnih investicija Zeničko-dobojskog kantona

Predsjedništvo Saveza je dalo saglasnost na Odluku o imenovanju Amre Babić u Komisiju za Program javnih investicija Zeničko-dobojskog kantona.

- f) Imenovanje člana Predsjedništva Skupštine Saveza općina i gradova Federacije BiH u Komisiju za Program javnih investicija Unsko-sanskog kantona

Predsjedništvo Saveza je u Komisiju za Program javnih investicija Unsko-sanskog kantona, ispred Predsjedništva Saveza, imenovalo Agana Bunića, načelnika Općine Bužim.

Vesna Travljanin je izvijestila Predsjedništvo o održanom sastanku sa federalnim ministrom pravde i njegovim saradnicima, a na kojem je izražena spremnost za saradnju sa Savezom od strane ministarstva. Zahvalila se Miroslavu Luciću koji je dao doprinos na realizaciji sastanka. Navela je da je na sastanku bilo riječi o određenim zakonskim propisima kao što su: Zakon o koncesijama, Zakon o premjeru i registraciji nekretnina, Zakon o udruženjima i fondacijama i dr.

Predsjedništvo Saveza je primilo k znanju ovu informaciju.

- g) Tužba Saveza općina i gradova Federacije BiH protiv Vlade Federacije BiH u vezi sa otplatom kreditnih sredstava prema Međunarodnom monetarnom fondu

Ismet Velić je izvijestio Predsjedništvo da je tužba uložena, ali da je došlo do problema sa sudskom taksom u iznosu od 10.000 KM, te da je na to rješenje uložena žalba. Istakao je da je paralelno sa žalbom, sudu uloženi i podnesak gdje je objašnjeno da jedinice lokalne samouprave nisu obveznici uplate sudske takse u skladu sa zakonom. Naglasio je da je, uslijed ovih okolnosti, postupak

usporen, te da možemo urgirati da se djeluje brže po žalbi i da se ne odugovlači sa postupkom.

Emir Bubalo je predložio da se uputi primjedba predsjedniku Kantonalnog suda da se namjerno odugovlači sa ovim postupkom.

Asim Mekić je postavio pitanje da li se može urgirati za hitno rješavanje ovog postupka s obzirom na njegov značaj.

Predsjedništvo Saveza je usvojilo zaključak da se uputi urgencija Kantonalnom sudu u Sarajevu za rješavanje po žalbi uloženoj na Rješenje o sudskoj taksi u iznosu od 10.000,00 KM i da se traži sastanak sa predsjednikom Kantonalnog suda. Zaključeno je da je potrebno uputiti dvije urgencije, i to: da jednu uputi advokat kao opunomoćenik Saveza u ovom postupku, te da se jedna urgencija uputi ispred Predsjedništva Skupštine Saveza općina i gradova Federacije BiH.

Jan Kulenović je pod tekućim pitanjima predstavio kampanju „Zapošljivost mladih“ i naveo moguće modalitete saradnje sa Savezom općina i gradova Federacije BiH. Istakao je da je cilj kampanje da se promovišu pozitivni primjeri i prakse vezano za takmičenja, stipendije i druge aktivnosti. Naglasio je da 13.10.2015. godine počinju sa novom platformom koja je malo kompleksnija, te da imaju namjeru ostvariti partnerstvo sa pojedinim općinama na ovoj kampanji, ukoliko iste budu izrazile interes. Dodao je da je obezbijeđeno jedno mjesto za predstavnika sekretarijata – stručne službe Saveza za studijsku posjetu Zagrebu i Čakovcu.

Nedžad Koldžo je istakao da smatra da ovo ima dobru podlogu i ideju ali da kampanja nije oblik koji predviđa niti jedan zakon. Naglasio je da ovdje nedostaje finansijski okvir, te da nije jasno šta je to što se traži od Saveza.

Asim Mekić je zatražio da se predstavi udruženje na čijem je čelu Jan Kulenović.

Jan Kulenović je predstavio rad udruženja.

Predsjedništvo Saveza je usvojilo zaključak da je potrebno dostaviti Savezu zvaničan dopis sa detaljnim podacima o udruženju na čijem je čelu Jan Kulenović, uključujući i rješenje o registraciji istog.

Muhamed Ramović je istakao da bi za sjednicu Skupštine trebalo pripremiti nekoliko zaključaka vezano za ključne stvari uključujući i tužbu Saveza protiv Vlade Federacije BiH. Predložio je da se posjeti Husejin Smajlović, jer je dobio informaciju da je bolestan. Također je naglasio da se za narednu sjednicu Predsjedništva pripremi informacija o stanju naplate članskog doprinosa Savezu, te da se to pitanje aktuelizira.

Nakon konstatacije da su sve tačke Dnevnog reda iscrpljene, Ivo Jerkić je zatvorio Devetu sjednicu Predsjedništva Saveza u 13.45 sati.

Zapisnik sačinila:
Selma Fišek, s.r.

Predsjednik Predsjedništva
Skupštine Saveza
Ivo Jerkić, s.r.